

Iz ornitološke bilježnice

Posmatranje bjelobrke grmuše (*Sylvia cantillans*) u Sarajevu

Watching of Subalpine Warbler (*Sylvia cantillans*) in Sarajevo: One male was watched in Sarajevo on March 31st 2007. During a day with a high degree of moisture, the bird was usually seen feeding on downy birch trees (*Betula pendula*).

Osim visokom vlažnošću zraka, vremenske prilike 31. ožujka 2007. nalikovale su proteklim danima ovogodišnjeg ranog proljeća. Usljed povećane vlažnosti, primijetio sam izraženiju sklonost manjih pjevica hranjenju na brezama (*Betula pendula*), koje cvatu ranije od većine drvenastih vrsta. Ptice su za takvog vremena, vjerojatno, upravo na stablima ove vrste lakše nalazile, cvatovima privučene, kukce. Uz uobičajene vrste, već u jutarnjim satima zabilježio sam i mužjaka bjelobrke grmuše (*Sylvia cantillans*). Opažanja su se nastavila tokom cijelog dana, gotovo isključivo na stablima breze (*Betula pendula*). Često je bio u društvu vrsta, poput velike sjenice (*Parus major*), plavetne sjenice (*Parus caeruleus*), brezovog zviždka (*Phylloscopus trochilus*) i crnokape grmuše (*Sylvia atricapilla*). Plavetne sjenice (*Parus caeruleus*) u početku je i pratio od jednog do drugog stabla, no nakon što ga je ptica iz jednog sjeničjeg para napala, takvo ponašanje više nisam bilježio. Za područje Sarajeva do sada postoji samo jedan objavljen podatak [Obratil, S., 1966: Pregled istraživanja ornitofaune Bosne i Hercegovine (I dio). - Glasnik Zemaljskog muzeja BiH, P.n, N.s., V: 191-268].

Dubravko Dender, Ornitološko društvo „Naše ptice“,
Semira Frašte 6, 71000 Sarajevo, naseptice@hotmail.com